



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-53704-8/25
Sarajevo, 05.12.2025. godine

SKUPŠTINA KANTONA SARAJEVO

PREDMET : Odgovor na zastupničko pitanje – dostavlja se

Zastupnica Smiljana Viteškić, na 26. radnoj sjednici Skupštine Kantona Sarajevo, održanoj dana 14.11.2025. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo uputila je Ministarstvu zdravstva Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, slijedeće zastupničko pitanje:

„28.09.2022. g. je počelo utopljavanje CO DZ Ilidža, čime je on postao funkcionalniji i estetki ljepši. Sredstva (1 milion KM) su obezbjeđena iz kredita Evropske banke za obnovu i razvoj, u sklopu projekta Energetske efikasnosti. Inicijative su postojale više godina prije, što u SKS, što u OV Ilidža. Početkom 2025. g. radovi su završeni, ali samo na dijelu zgrade.

Pitanja: da li je bio plan projekata da se utopli cijela zgrada?

Da li će se dio zgrade koji je ostao utopiti, s obzirom da su tu smještene značajne službe PZZ: Dispanzer za plućne bolesti, Lab. služba, HMP, Apoteka i Uzv i rtg dijagnostiku? Da li iz kredita ima sredstava za utopljavanje ovog dijela zgrade? Ako nema, da li planirana sredstva u Min. zdravstva za utopljavanje ovog dijela zgrade? Zasad ovaj dio zgrade izgleda kao pomoćni objekata“.

U vezi sa upućenim zastupničkim pitanjem, Ministarstvo zdravstva dostavlja slijedeći

ODGOVOR

U mjesecu oktobru 2019. godine Ministarstvo zdravstva Kantona Sarajevo je zaprimilo akt Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, broj: 05-05-26705-2/19, kojim je ovo ministarstvo obavješteno da je Vlada Kantona Sarajevo na sjednici održanoj dana 18.07.2019. godine usvojila projekat „Energijska efikasnost u javnim objektima Kantona Sarajevo“. Navedeni projekat je imao za cilj poboljšanje energijske efikasnosti za oko 40 javnih objekata u Kantonu Sarajevo i to iz sektora obrazovanja, zdravstva, rada i socijalne politike, kulture i sporta, te unutrašnjih poslova. Pomenutim aktom dostavljena je Preliminarna lista javnih objekata u okviru projekta „Energijska efikasnost u javnim objektima Kantona Sarajevo“, te da je potrebno da ovo ministarstvo za sve objekte koji se nalaze u



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-104, Fax: + 387 (0) 33 562-243

Web: <http://mz.ks.gov.ba>, E-mail: mz@mz.ks.gov.ba

nadležnosti Ministarstva zdravstva, dostavi određene podatke. Ministarstvo zdravstva Kantona Sarajevo je sredinom novembra 2019.. godine, dostavilo tražene podatke, među kojima su se nalazili i podaci vezani za CO DZ Ilidža.

Dakle, projekat „Energijska efikasnost u javnim objektima Kantona Sarajevo“ je u skladu sa svojim nadležnostima implementiralo Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo.

Kada je riječ o planiranju sredstava za ovu namjenu na razdjelu Ministarstva zdravstva, informišemo Vas da JU Dom zdravlja Kantona Sarajevo u svojim zahtjevima za obezbjeđenje sredstava iz budžeta Kantona Sarajevo do sada nije iskazivalo potrebu za istim.

Prim. mr [REDACTED] nović

